



## ԿՐԹԱԹՈՇԱԿԱԿԻՐՆԵՐ / ԳԻՏՆԱԿԱՆՆԵՐ / ԳԻՏԱԿԱՆ ՀԵՏԱԶՈՏՈՒԹՅՈՒՆ ԿԱՏԱՐՈՂՆԵՐ

ԳԵՐՄԱՆԻԱ, ԲԵԼԳԻԱ, ԼՅՈՒՔՍԵՄԲՈՒՐԳ, ՇՎԵԴԻԱ

### Դիմում ներկայացնելու փաստաթղթերը

Դիմում ներկայացնելու համար անհրաժեշտ է **ձեռք բերել պայմանավորվածություն**: Պայմանավորվածություն կարող եք ձեռք բերել **միայն առցանց (օնլայն)**: Օնլայն-հերթագրման համակարգ կարող եք մուտք գործել դեսպանության կայքէջի միջոցով՝ [www.eriwan.diplo.de](http://www.eriwan.diplo.de) : Խմբի համար (ավելի քան 5 հոգի, ովքեր մեկնում են միևնույն նպատակով և միևնույն ժամանակահատվածի համար) խնդրում ենք կապվել մեզ հետ՝ [schengen@eriw.diplo.de](mailto:schengen@eriw.diplo.de) հասցեով:

Դիմում հանձնելիս անհրաժեշտ է անձամբ ներկայացնել ստորև նշված փաստաթղթերը:

Փաստաթղթերը պետք է ներկայացնել նշված հերթականությամբ դասավորած: Բոլոր փաստաթղթերի պատճենները անհրաժեշտ է ներկայացնել **A4 ֆորմատի թղթի վրա**: Խնդրում ենք փաստաթղթերը չկարել, չամրացնել: Դեսպանություն հասցեագրած ֆաքսերը և գրությունները չեն տեսակավորվում, չեն դասավորվում:

Գործերը պետք է հանձնել ամբողջական՝ ներկայացնելով հուշաթերթիկում նշված բոլոր փաստաթղթերը: Գործերը կրնադնվեն և կքննվեն այնպես, ինչպես դրանք կներկայացվեն ամբողջական օրը: Որոշումը կկայացվի ըստ առկա փաստաթղթերի: Հավելյալ փաստաթղթեր ներկայացնել հիմնականում հնարավոր չէ: **Խնդրում ենք համոզվել, որ գործ հանձնելու համար առկա են անհրաժեշտ բոլոր փաստաթղթերը:**

Դեսպանությունը նշում է, որ համաձայն Կացության մասին օրենքի §82-ի յուրաքանչյուր դիմող պարտավոր է ապահովել դիմումի լիարժեքությունը, որն է փաստաթղթի բացակայության դեպքում դեսպանությունը համարում է, որ այն չի կարող ներկայացվել: Առանձին դեպքերում, սակայն, դեսպանությունն իրեն իրավունք է վերապահում պահանջել լրացուցիչ փաստաթղթեր:

Լիարժեք դիմում ներկայացնելը վիզա ստանալու համար դեռևս բավարար հիմք չէ:

Հայաստանի քաղաքացիների համար այցագրի վճարը որպես կանոն կազմում է 35 եվրո: **Այն պետք է մուծել փաստաթղթերը հանձնելիս՝ համարժեք ՀՀ դրամով**: Մինչև 12 տարեկան երեխաների համար այցագրի վճար չի գանձվում:

Վիզաների վճարները ազատվելու մասին տեղեկությունները տես՝ <https://eriwan.diplo.de/am-hy/service/visa-informationen/gebuehrenbefreiung/1262880>

### Անհրաժեշտ փաստաթղթեր

- գերմաներենով կամ անգլերենով, լիարժեք լրացրած դիմում-հարցաթերթիկ: Այն կարող եք գտնել մեր ինտերնետային էջում՝ <https://videx.diplo.de/videx/desktop/index.html#start>
- 2 նոր, բիոմետրիկ լուսանկար, մեկը խնդրում ենք սուսնձել դիմում-հարցաթերթիկին (մյուսը կվերադարձվի հարցազրույցից հետո)
- բժշկական ապահովագրության վկայագիր շենգենյան բոլոր երկրների համար, մեկ պատճեն: Ապահովագրական գումարը պետք է կազմի 30.000 եվրո
- գործող ճամփորդական անձնագիր՝ ելքի կնիքով, որը պետք է վավերական լինի վիզայի վերջնաժամկետի ամսաթվից հետո ամենաքիչը երեք ամիս: (Անձնագրում պետք է լինի առնվազն երկու դատարկ էջ, իսկ վավերականության ժամկետը չպետք է գերազանցի 10 տարին)

- անձնագրի այն էջերի պատճենները, որտեղ առկա է կնիք, այցագիր կամ ցանկացած այլ նշում Առկայության դեպքում՝ նախկին անձնագրերի պատճենները
- այլ քաղաքացիություն ունենալու դեպքում՝ Հայաստանում օրինական բնակության իրավունքի ապացույց, օր․ կացության իրավունք, որը վավերական կլինի ԵՄ անդամ պետությունից պլանավորած վերադարձի օրվանից հետո ամենաքիչը երեք ամիս
- օդանավի տոմսի պատվիրումը
- մնալու վայրի մասին ապացույց, եթե այն չի հոգում հրավիրող կազմակերպությունը
- հյուրընկալող կազմակերպության կողմից հրավեր, կրթաթոշակի մասին հաստատում՝ **բնօրինակը** և մեկ պատճեն: Հրավերի մեջ պետք է նշված լինի, արդյո՞ք հրավիրողը ստանձնում է ապրելու և կացության ծախսերը:
- եթե հրավիրողը չի հոգում ծախսերը, ապա ծախսերը ստանձնելու վերաբերյալ գրություն ուղարկող կազմակերպությունից, ինչպես նաև բավարար ֆինանսների մասին ապացույց (վերջին երեք ամիսների բանկային հաշվի քաղվածքը)
- անհրաժեշտության դեպքում՝ հստակ պլանավորած այլ այցերի պարագայում՝ հրավերում պետք է նշված լինի, որ հրավիրողը անհրաժեշտ է համարում, որ Դուք երկար ժամկետով վիզա ստանաք, նաև ֆինանսավորման մասին ապացույց և/կամ գործատուից գրություն՝ Շենգենյան երկրներ հաճախակի մեկնելու անհրաժեշտության մասին, նաև ֆինանսավորման մասին ապացույց
- դիմողի՝ Հայաստանում ունեցած տնտեսական և սոցիալական կապերի, ինչպես նաև պլանավորած այցի տևողության ընթացքում ապրելու միջոցների մասին ապացույց
  - ապացույց դիմողի զբաղվածության վերաբերյալ՝ տեղեկանք ուսման վայրից, ապացույց կենսաթոշակի վերաբերյալ, աշխատավարձի նշումով տեղեկանք աշխատավայրից: Տեղեկանքները ներկայացնել գերմաներենով կամ անգլերենով կամ թարգմանությամբ: Չաշխատելու դեպքում՝ այլ ապացույցներ ապրուստի միջոցների վերաբերյալ (օր․ ամուսնու/կնոջ, ծնողների կամ երեխաների աշխատավայրից տեղեկանքներ)
  - անգլերենով կամ թարգմանությամբ բանկային հաշվի քաղվածք (ո՛չ տեղեկանք)՝ վերջին երեք ամիսների համար, առկայության դեպքում նաև աշխատավարձային հաշվի քաղվածքը
  - գույքի սեփականության վերաբերյալ ապացույց (մեքենա, բնակարան կամ այլ անշարժ գույք) բնօրինակը և մեկ պատճեն, առանց թարգմանության
  - ամուսնու/կնոջ անձնագրի բնօրինակը և պատճեն, ամուսնության (ամուսնալուծության, մահվան) վկայականը և պատճեն, ինչպես նաև երեխաների անձնագրերի բնօրինակները և պատճենները, անձնագրի չունենալու դեպքում՝ ծննդյան վկայականների բնօրինակները և պատճենները:
  - երեխաների, ծնողների արտերկրում (նաև Ռուսաստանում) գտնվելու դեպքում՝ այդ մասին ապացույց, օր․ տեղեկանք գրանցման վերաբերյալ կամ կացության իրավունքի պատճենը
- անչափահաս դիմողների դեպքում՝ ծննդյան վկայականի պատճենը, առանց թարգմանության: Ծնողների համաձայնությունը՝ նոտարական վավերացրած թարգմանությամբ և մեկ պատճեն: Մեկ ծնողի հետ անչափահասի ճամփորդության դեպքում՝ մյուս ծնողի համաձայնությունը՝ նոտարական վավերացրած թարգմանությամբ և մեկ պատճեն

**Դեսպանությունը չի համագործակցում որևէ տուրիստական ընկերության հետ: Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Հակառակ պնդումները չեն համապատասխանում իրականությանը: Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: Եթե Ձեզ այլ բան են խոստանում, անմիջապես տեղեկացրեք մեզ:**